



Aqqalu C. Jerimiassen  
Atassut

UPA 2024/80 - 1  
25. april 2024

**Inatsisartunut qinersinermi inatsit tunngaviatigut, inatsisartullu agguataarneranut kisitseriaaseq, inatsisartut amerlassussaat kiisalu qanoq nunatsinni siammasissumik inatsisartuni ilaasortaataqarneq, qanga kommuunit kattutinngikkallarmata kredsimi qinikkat 17-it ilaasortanngorsinnaanngortillugit aamma illoqarfiit inuttussusii najoqqutaralugit ilaasortaqalerlutik apeqquteqaat aallaavigalugu oqallisissiamik siunnersuut.**

(Inatsisartuni ilaasortaq Jens NapātôK', Naleraq)

Qinersisarneq maannakkutut iluseqartoq pitsaaquteqarlunilu soorunami allatuulli ajoquteqarpoq.

Pitsaaqutaalu taaneqarsinnaasoq tassaajunnarsivoq, kiffaangissuseqarluinnaratta kina suminngaanneerpera aporfiginagu qinersinnaagatsigu, partiilu aggerfia qanoq qinigaatiginera malillugu amerlassutsit inissineqartarlutik.

Taamaalillunilu maanna assersuutingalugu qinigaasimasut inissisimani qiviassagaanni, sumiiffippassuarniit immaqa peqataasoqaraluartoq, taamaattoq sumiiffiit ilai susaaperaavissortutut taaneqarsinnaallutik.

Maanna qinerseriaasitsinni kisitseriusaasoq d'hondt malillugu inississungaavoq, taassuminngalu kisitsineq ilikkarsimagaanni ajortanngilaq qanoq periuseqarluni isertitaqassagaanni iliorniar-sarisarneq. Tassalu qiningaalluarnikkut qineqqusaaqatigisanit parteeqatinit kalitaqarsin-naaneq pisinnaasarluni.

Taannaasarunarporlumi ilaatigut quianaagineqarsinnaasartoq, inuttut ataasiakkaatut qiningaalluaraluarluni, taamaattoq partii tunuliaqutigisaaq iluamik allanik qinersiseqangaanngippat isertitaqanngitsuissornermik kinguneqaratarsinnaasarmat.

Taava soqutiginaateqarsinnaasoq allattaaq maanna eqqarsaatigineqarsinnaalerpoq, tassalu qinerseriaaseq maanna atugarput allamik taarserneqarsinnaanissaa takorloorneqarsinnaanerpa?

Taarsissangaannilu soorlu Tuluit Nunaanni qinersisarnermi kisitseriuseq atorneqartoq First-past-the-post assersuutigeriaraanni, maanna qinersisarnermullu sanillersuullugu, maani inersuarmi isersimasut allaanerulluinnartumik ilaatigut inissisimasimassagaluar mata. Tassami kisitseriaatsimi tassani, sumiiffimmi qinigassanngortittuni qiningaanerpaatut inissisimasut partiip qanoq qinigaatiginera pinnagu, inuttulli qiningaanerpaat sumiiffigisaminni isertarmata.

Soorunamilu taanna qinerseriuseq pitsaaquteqarlunilu ajoquteqarportaaq, tassami takussutissaq-qissutut taaneqarsinnaareerpoq Tuluit Nunaanni, maanna siuttuusut issiavissani 650-iusuni 365-it paarivaat, naak 40% qaangilaannguarlugu partiit qiningaagaluartoq.

Taamaattumik eqqarsaatigilluartariaavoq, sorlerluunniit qinerseriuseq ikkukkaluarutsigu, arlaatigut qanoq pinerpa pitsaaquteqarlunilu ajoquteqartuartaussamat.



Apequteqaat aallaavingalugu oqallisissiaqartumut qujavugut.